

## Fula - Ruuhu Ceniido Deftere - Holy Spirit Scriptures

Gurtaaki 35:31 O hebbini mo Ruuhu maako e hikma e faamu e anndal kuugal koonjale fuu, 32 haa o diida kuuje, o huuwa kuude kaŋgeeri e cardi e njamndi mbodeeri, 33 o winda dow kaa'e takketeede, o seha ledde, o timmina koodeye kuude fuu.

Limle 11:25 Nden Jawmiraawo jippi nder ruulde, wolwani Muusa, hoo'i haa ruuhu ngu o hokkuno mo, hokki dum ndotti'en. Nde ruuhu man wari dow mabbe, law be mbadi annabaaku, ammaa baawodon be meetaay wadugo ngu.

1 Samuyila 10:6 Nden Ruuhu Jawmiraawo waran dow maada haa a wada annabaaku bana mabbe, a laato goddo keso.

2 Samuyila 23:2 Ruuhu Jawmiraawo don anndinammi bolle, kaŋko o don wolwira bee hunduko am.

Ayuba 33:4 Ruuhu Jehovah am, kangu ngu tagi yam, poofde Baawdo don ngeedina yoŋki am.

Esaaya 11:2 Ruuhu Jawmiraawo don dow maako, ruuhu hikma e hakkiilo, ruuhu saawari e sembe, ruuhu anndal e kulol Jawmiraawo.

Mika 3:8 Ammaa min, Ruuhu Jawmiraawo hebbini yam baawde e anndal kiita e sembe, haa mi anndina yimbe Yakubu aybeeji mabbe, mi holla Isra'iila'en hakkeeji mabbe.

Jekariya 4:6 Malaa'ikaajo wi'i yam: "Ndaa wolde Jawmiraawo ngam Jorobaabila: Naa bee baawde konu, naa bee sembe ma, sey bee Ruuhu am tan! Non Jawmiraawo honoobe asama wi'i.

Matta 12:28 Fakat, mi don riiwa ginnaaji bee baawde Ruuhu Jehovah, kanjam don waŋgina no laamu Jehovah wari haa moodon.

Matta 28:19 Ndille haa yimbe ummaatooje fuu, on mbada be pukara'en am, on ngiiwa be ngiiwam baptisma bee innde Baabiraawo e Bidde e Ruuhu Ceniido.

Markus 1:10 Wakkati Yeesu wurti ndiyam, o yi'i asamanji mabbiti, Ruuhu Jehovah don jippo dow maako bana poola.

Markus 13:11 To be naŋgi on, be njahri on yeeso hiitoobe, taa cuklane ko mbi'oton. Ammaa to wakkati man wari, mbolwe bolle de on kebata. Kanje de iwataa haa moodon, ammaa haa Ruuhu Ceniido.

Luka 2:26 Ruuhu Ceniido don wondi bee maako, anndini mo o maayataa, sey to o yi'i Almasiihu, nellaado Jawmiraawo.

Luka 4:1 Yeesu lori diga Urdun, o keewdo Ruuhu Ceniingu, ngu yahri mo ladde.

Luka 4:18-21 "Ruuhu Jawmiraawo don dow am, o subi yam ngam haa mi waajina laafube habaru seyo. O neli yam haa mi wanginana habbaabe joofeeki muudum'en, ngam wumtingo wumbe, ngam hisnugo torraabe, 19 ngam yeynugo hitaande nde mo"ere Jawmiraawo wangata." 20 Nden o mabbi deftere go, o hokkiti nde aynoowo, o joodi. Yimbe nder suudu waajaago Yahuudu'en man fuu tokki laarugo mo. 21 Nden o fuddi wolwango be: "Aayaaje bindaade

nder deftere de'e de ngoonjdi haa moodon wakkati on nani de njangaama jonta."

Luka 12:11,12 "To be njahri on kiita haa nder cuudi waajaago Yahuudu'en, malla yeeso laamiibe, malla yeeso mawbe, taa billore numugo no kisroton, malla ko mbi'oton. 12 Ngam Ruuhu Ceniido anndinan on ko mbi'oton wakkati maajum."

Yuhanna 7:38,39 waato koomoy nuddini yam. Ngam deftere wi'i: 'Bernde maako laatoto seeboore ilnannde maaje ndiyam ngeetam.' 39 Yeesu wadi balndol ngol dow Ruuhu ngu nuddinbe mo tammi hebugo. Saa'i maajum be kebaayno Ruuhu tawon, ngam Yeesu siwa nastugo teddungal Jehovah.

Yuhanna 14:16,17 Mi toroto Baabiraawo o hokka on balloovo feere, waato Ruuhu goonja, ngam ngu wonda bee moodon foroy. 17 Duniyaaru waawataa hebugo ngu, ngam ndu waawataa yi'ugo ngu, ndu waawataa anndugo ngu boo. Ammaa onon on anndan ngu, ngam ngu wondan bee moodon, ngu joodoto nder moodon.

Yuhanna 14:26 Balloovo on, waato Ruuhu Ceniiingu ngu Baabiraawo neldata on bee innde am, kaŋgu ngu anndinan on kuuje fuu, ngu siftinoran on ko mi yecci on fuu.

Yuhanna 16:7,8 Ammaa mi don wi'a on goonga: 'Dum booddum haa moodon to mi dilli, ngam to mi dillaay, balloovo go warataa haa moodon. Ammaa to mi dilli, mi nelan mo haa moodon. 8 Kanjo, to o wari, o faamtinan yimbe duniyaaru be don mboofa bee numooji mabbe dow hakke e goornga e kiita Jehovah.'

Yuhanna 16:13-15 Ammaa to Ruuhu goonja wari, ngu yahran on nder faamu goonja fuu. Ngu wolwataa dow baawde maagu, ammaa ngu wi'an on ko ngu nani, ko tammi warugo fuu. 14 Ngu yeccan on ko ngu nani haa am. Bana ni ngu wanjinirta teddungal am. 15 Koodume Baabiraawo mari fuu, min mari dum. Ngam maajum mbi'mi: Ruuhu yeccan on ko ngu nani haa am.'

Yuhanna 20:21,22 Yeesu wi'i be fahin: "Jam laatano on. Bana Baabiraawo neldi yam, min boo mi nelan on." 22 Nden o fuufi dow mabbe, o wi'i: "Njabe Ruuhu Ceniiingu."

Kuude Nelaabe 1:2 haa nyande o eeŋtina haa asama. Diga o siwa eeŋtineego, o anndiniri nelaabe be o subi bee baawde Ruuhu Jehovah.

Kuude Nelaabe 1:5 Ngam Yuhanna yiwi yimbe ngiiwam baptisma bee ndiyam, ammaa yeeso sedda on keban ngiiwam baptisma bee Ruuhu Ceniido."

Kuude Nelaabe 1:8 Fahin, Jehovah hokkan on Ruuhu Ceniiingu, on tammi hebugo baawde maako. On ceedoto haala am haa Urusaliima, haa Yahudiya bee Samariya, e haa keerol duniyaaru fuu."

Kuude Nelaabe 2:1-4 Too, nde nyande juulde wi'eteende Pentekosta yotti, nuddinbe fuu kawti nokkuure woore. 2 Law be nani iidoore iwnde haa asama bana iidoore hendu sembindu, nde heewi suudu haa be njoodi. 3 Nden be ngi'i goddum wanji bana demde yiite don caŋkito. De njoodi dow koomoy mabbe. 4 Be fuu be keewi Ruuhu Ceniido, be pudi wolwugo bee bolle jananne bana no

Ruuuhu hokkiri be baawde.

Kuude Nelaabe 2:17-19 Jehovah wi'i: Ni dñum laatoto haa balde ragareeje: Mi wadan Ruuhu am dow yimbe fuu. Bibbe mon worbe e rewbe mbadan annabaaku, suka'en moodon keban wahayuji, ndotti'en moodon koydan koydi. 18 Kadiboo, koo maccube am e horbe am fuu, mi wadan Ruuhu am haa mabbe nder balde man, be laatoto annabo'en. 19 Mi wadan kaayefiji haa asama, e haa lesdi boo, yiñam e yiite e cuurde baleeje mbañgan. (Yoo'el 2:28,29)

Kuude Nelaabe 2:33 Jehovah teddini Yeesu, jo"ini mo haa nyaamo muudum.

Jehovah, Baabiraawo maako hokki mo Ruuhu Ceniingu bana no wi'no diga naane. Ko ngi'oton, ko nanoton, Yeesu on huuwata dñum caka meeden.

Kuude Nelaabe 2:38 Piyer jaabi: "Tuube, acce hakkeeji moodon, koomoy jaba ngiiwam baptisma bee innde Yeesu Almasiihu. Nden Jehovah yaafanto on hakkeeji moodon, o hokkan on Ruuhu maako Ceniingu.

Kuude Nelaabe 4:31 Nde be timmini do'aago, nokkuure nde be kawti haa mum dimbi. Be fuu be keewi Ruuhu Ceniido, be puđđi waajingo habaru Jehovah bilaa kulol.

Kuude Nelaabe 8:15-17 Nde Piyer e Yuhanna njotti ton, be tori Jehovah haa o hokka nuddinbe Ruuhu Ceniido. 16 Ngam yimbe Samariya ngiiwino ngiiwam baptisma bee innde Yeesu, Jawmiraawo, ammaa Ruuhu Ceniido waranaay koo gooto mabbe tawon. 17 Nden Piyer e Yuhanna mballini juude muudum'en dow ko'e mabbe, be kebi Ruuhu Ceniido.

Kuude Nelaabe 8:39 Nde be ngurti ndiyam, Ruuhu Jawmiraawo wifti Filip.

Etiyopiyaajo meetaay yi'ugo mo, tokki laawol muudum bee seyo mañgo. (1 Laamiibe 18:12)

Kuude Nelaabe 9:31 Nden jama'aaje nuddinbe haa lesde Yahudiya e Galili e Samariya fuu njoodi jam, bilaa torra. Be cembidi, be tabiti nder kulol Jawmiraawo, be besdi duudugo, ngam Ruuhu Ceniido don wondi bee mabbe.

Kuude Nelaabe 10:44,45 Yaake Piyer don wolwa, Ruuhu Ceniido jippi dow nanoobe waaju fuu. 45 Yahuudu'en nuddinbe wardube bee Piyer kaydini.

Asee, koo yimbe ummaatooje boo, Jehovah hokki dñum'en Ruuhu Ceniido!

Kuude Nelaabe 11:15 Nde mi fuddi wolwugo, Ruuhu Ceniido jippi dow mabbe bana jippori dow meeden haa fuddam.

Kuude Nelaabe 13:52 Pukara'en haa Antakiya ceyi masin, be keewi Ruuhu Ceniido.

Kuude Nelaabe 19:6 Pol wallini juude muudum dow ko'e mabbe, Ruuhu Ceniido wari dow mabbe, be mbolwi demde jananne, nden be ngaaji wolde Jehovah.

Kuude Nelaabe 20:23 Huunde woore anndumi: Ruuhu Ceniido don wi'ammi kootoy fuu callalluaji e boneeji tammi hebugo yam.

Roma'en 5:5 Bee tammunde maajum en mbustataake sam, ngam Jehovah wanginani en yiide mum, hokki en Ruuhu mum.

Roma'en 8:9 Ammaa onon kam, gidaadi mon njaalataako on. On don dowtano

Ruuhu Jehovah, to fakat Ruuhu maajum don joodi nder moodon. Mo hebaay Ruuhu ngu Almasiihu hokkata, laataaki mo maako.

Roma'en 8:13-16 Ngam to on tokkake gidaadi mon, on maayan. Ammaa to on acci Ruuhu Jehovah mbara gidaadi mon, nden kam on ngeedan. 14 Dowaabe Ruuhu Jehovah fuu, kambe laati bibbe Jehovah. 15 Walaa haaje on puddita diwnugo yeeso Jehovah, ngam Ruuhu ngu o hokki on, laatinaay on maccube maako, ammaa bibbe maako. Ruuhu maako don joodi nder meeden. Ngam maajum mbi'eten Jehovah: "Baaba!" 16 Ruuhu Jehovah don tabitina seedamku ruuhuji men: En bibbe Jehovah fakat.

Roma'en 8:26 Ruuhu Jehovah don walla en, ngam en tampube. En anndaa koo toraago Jehovah bana no haani. Ruuhu bee hoore mum don toro Jehovah ngam meeden, naa bee bolle yimbe.

Roma'en 15:13 Mi don toro Jehovah, tabitindo tammunde men, haa o hebbina berde mon bee seyo e hoolaare fuu dow laawol nuddinki, ngam haa tammunde mon sembida bee baawde Ruuhu Ceniido.

Roma'en 15:19 non boo bee kaayefiji mawdi, e baawde Ruuhu Ceniido. Ngam maajum kebmi waajingo linjiila Almasiihu nder gure duudde, diga Urusaliima haa yotti lesdi Illiriya.

1 Korintu'en 2:10-13 Ammaa enen, Jehovah anndini en sirri mum bee Ruuhu ngu o hokki en. Ruuhu maajum don widito koodume fuu, koo nufayeeji Jehovah luggudi boo. 11 Walaa neddo anndi ko goddo numata, sey ruuhu goddo man. Bana non boo walaa anndudo numooji Jehovah, sey Ruuhu Jehovah tan. 12 Ammaa enen en kebaay ruuhu duniyaaru ndu, en kebi Ruuhu iwjgu haa Jehovah. Ngam maajum en anndi ko Jehovah huuwani en. 13 Mi wolwataa haala maajum bee bolle de anndal yimbe anndini yam. Ammaa mi don wolwa ko Ruuhu Jehovah anndintammi, haa mi faamtina hebbe Ruuhu kuuje Ruuhu man.

1 Korintu'en 3:16 Onon on haykaliiru+ Jehovah, Ruuhu Jehovah don joodi nder moodon. On anndaa dum na?

1 Korintu'en 6:11 Wodbe moodon laatino bana non. Ammaa jonta hakkeeji mon lootaama, on laati yimbe Jehovah senaabe, on kebi yerduye maako bee innde Jawmiraawo men Yeesu Almasiihu e Ruuhu Jehovah men.

1 Korintu'en 12:3 Ngam maajum ngidmi on paamta du'um: To Ruuhu Jehovah nangi goddo, goddo oo waawataa wi'ugo: "Yeesu naalaado!" Bana non boo, goddo wi'ataa: "Yeesu woni Jawmiraawo", sonaa Ruuhu Jehovah don nder maako.

2 Korintu'en 3:17 Mo wi'ete Jawmiraawo haa do, dum Ruuhu. Ammaa haa Ruuhu Jawmiraawo woni, ton ndimu woni.

2 Korintu'en 13:14(13) Mo"ere Jawmiraawo men Yeesu Almasiihu, e yiide Jehovah, e kawtal Ruuhu Ceniido wondu bee moodon fuu.

Galaatiya'en 4:6 Onon on laati bibbe Jehovah fakat. Ngam maajum o hokki on Ruuhu Biddo+ maako nder berde mon, ngu don ewno: "Abba!" waato: "Baaba

am!"

Efesu'en 1:13,14 ammaa onon boo, onon nanbe wolde goonja, kubar kisndam mon. Nde nuddindon, Jehovah hokki on Ruuhu mum Ceniiŋgu ngu o wi'no o hokkan. Bana ni o wadani on lamba maral maako. 14 Ruuhu maajum woni ceedoowo hayruuji fuu dī Jehovah tammani en. En keban dī to kisndam men timmidi. En maŋta tedduŋgal maako!

Efesu'en 2:18 Ngam daliila Almasiihu en fuu en kebi baditaago Jehovah Baabiraawo bee ballal Ruuhu ngootu.

Efesu'en 4:30 Taa mettine Ruuhu Ceniiŋgu, ngam bee maagu Jehovah wadani on lamba maral muudum, haa o rimdina on nder nyalaade warannde.

1 Tessaloniki'en 4:8 Ngam maajum, to godđo salake umrooje de'e, naa nedđo o sali, ammaa Jehovah, dokkudo on Ruuhu mum ceniiŋgu.

1 Tessaloniki'en 5:19 Taa kade kuugal Ruuhu Jehovah.

2 Tessaloniki'en 2:13 Ammaa sey min ngetta Jehovah foroy ngam daliila moodon, onon deerdsiraabe. Jawmiraawo yidī on, Jehovah subi on haa on aarta hisneego. On kisan ngam Ruuhu Jehovah don huuwa nder moodon, ngam on nuddini goonja boo. (1 Piyer 1:2)

Titus 3:5,6 O hisni en, naa ngam en kuuwi ko fottani mo, ammaa ngam o endī en. Nde kebdēn ngiiwam baptisma, Ruuhu Ceniido danyi en fahin, laatini en yimbe hesbe. 6 Ruuhu maajum, Jehovah waanji ngu duuđđum dow meeden bee Yeesu Almasiihu, Kisnoowo en.

Ibraniŋko'en 2:4 Jehovah boo sembidini seedamku mabbe bee hollugo en baawde maako e kaayefiji feere feere. Fahin o sendani yimbe maako dokke Ruuhu Ceniiŋgu fodde muuyo maako.

Ibraniŋko'en 10:15 Ruuhu Ceniiŋgu boo don seedano en đum. Aran ngu wi'i:

1 Piyer 1:2 On laati subaabe ngam daliila muuyo Jehovah Baabiraawo. Ruuhu maako seni on, haa on dowtano Yeesu Almasiihu, haa yiyam maako labbina on. Mo"ere e jam duudana on.

2 Piyer 1:21 Ngam barka maako on nuddini Jehovah mo ummitini mo diga maayde, teddini mo. Bana non nuddinki moodon e tammunde moodon haa Jehovah tabitirta.

1 Yuhanna 4:2 Koomoy wi'i Yeesu Almasiihu laati nedđo, kaŋko o woodi Ruuhu iwjgu haa Jehovah. Bana ni anndirton to o woodi Ruuhu Jehovah.

1 Yuhanna 5:7,8 Woodi seedoobe tato: 8 Ruuhu e ndiyam e ?i?am. Seedamku mabbe laati gootum.

Yahuuda 1:20 Ammaa onon soobiraabe am, cembidine ko'e moodon nder nuddinki moodon ceniiki. Tore bee baawde Ruuhu Ceniido,